

Soulagez mes tourmens, mais laissez-moy ma  
flame,

Elle seule peut m'animer ;

Je cheris ses ardeurs, & je sens que mon ame  
Ayme encor mieux souffrir que de cesser d'ay-  
mer.

T H E S T Y L I S.

Par des chants, par des sacrifices  
Rendons-nous les Enfers propices.

L E C H O E U R.

Par des chants, par des sacrifices  
Rendons-nous les Enfers propices.

T H E S T Y L I S.

Divinitez des sombres bords  
Secondez nos efforts.

L E C H O E U R.

Divinitez des sombres bords  
Secondez nos efforts.

T H E S T Y L I S.

Nous implorons vostre assistance  
Par ce feu qui nous luit sur cet Autel sacré,  
Par vostre immortelle puissance,  
Par vostre nom terrible, & toujourns reveré.  
Divinitez des sombres bords  
Secondez nos efforts.

L E C H O E U R.

Divinitez des sombres bords  
Secondez nos efforts.

T H E S T Y L I S.

Reyne, écoute un secret que l'Enfer me declare  
Tu rompras l'Hymen que tu crains,  
Et bien qu'Alcide le prepare,  
Tous les aprests en seront vains.  
Ne te souvient-il plus du voile inestimable